

Coimisiún na Meán

Scéim Tacaíochta um Sheirbhísí Sealadacha Raidió

Leabhrán Eolais

Tabhair do d'aire, le do thoil, gur fhoirm iarratais eatramhach é seo mar go bhfuil Údarás Craolacháin na hÉireann tar éis aistriú go Coimisiún na Meán (“an Coimisiún”) le déanaí. Déanfaidh an Coimisiún a Ráiteas Straitéise agus a Bheartas Foghlama & Forbartha Earnála a athnuachan in am trátha. Idir an dá linn, glacfar le hiarratais mar is gnách, agus déanfar iad a athbhreithniú i gcoinne Ráiteas Straitéise Údarás Craolacháin na hÉireann 2021-2023 agus Beartas Foghlama agus Forbartha an Údaráis chun críocha measúnaithe.

Réamhrá

I 2023, iarrann Coimisiún na Meán (“an Coimisiún”) iarratais chun iarratas a dhéanamh ar an **Scéim Tacaíochta um Sheirbhísí Sealadacha Raidió 2023**. Soláthróidh an Coimisiún maoiniú chun tacú le craoltóirí fuaimne a bhfuil ceadúnas sealadach acu le haghaidh gníomhaíochtaí oiliúna, forbartha agus / nó measúnaithe suas go dtí €500 ar a mhéad do gach iarratasóir.

Foghlaim agus Forbairt Earnála

Soláthraíonn Beartas an BAI um Fhoghlaim agus Fhorbairt Earnála an chreatlach chun cur ar chumas an BAI fás leantach na hearnála a phleanáil, a mheas agus a mheasúnú agus tacú leis ar bhealach straitéiseach trí ghníomhaíochtaí agus chuir chuige éagsúla oiliúna agus forbartha laistigh dá shainchúram reachtúil agus straitéiseach. Léiríonn an Beartas na príomhthéamaí um Fhoghlaim agus Fhorbairt Earnála agus tá an tAcht Craolacháin, 2009, agus Ráiteas Straitéise an BAI, 2021 - 2023, mar bhonn agus thaca aige.

Gabhann na príomhthéamaí fócas na Foghlama agus Forbartha Earnála i gcúig théama straitéiseacha a thagann as cuspóirí reachtaíochta agus straitéiseacha an BAI agus as comhairliúchán le craoltóirí agus le líonraí tionscail. Leagtar amach iad mar seo a leanas:

- Oibriú i gcomhpháirt le craoltóirí agus le líonraí tionscail,
- Pleanáil straitéiseach maidir le forbairt ar bhonn fadtéarmach,
- Forbairt a mheas agus a mheasúnú,
- Maoiniú agus tacaí eile,
- Cumas a fhorbairt don earnáil Chraolacháin.

Mionsonraítear príomhthéamaí Bheartas an BAI um Fhoghlaim agus Fhorbairt sa Bheartas. De réir phríomhthéamaí an Bheartais, ceanglaítear ar iarratasóirí buntacú lena dtograí oiliúna, forbartha agus / nó measúnaithe le ceann amháin nó níos mó ná ceann amháin de na téamaí seo.

Cé a d'fhéadfadh iarratas a chur isteach ar an Scéim seo?

Féadann na conraitheoirí seo a leanas iarratas a chur isteach ar an Scéim seo:

1. Iarratasóir nua ar cheadúnas sealadach,
2. Conraitheoirí a shealbhaíonn ceadúnas sealadach faoi láthair,
3. Conraitheoir a shealbhaigh ceadúnas sealadach sa 12 mhí a chuaigh thart.

Cad iad na riachtanais iarratais?

- Iarratas amháin sa cheadúnas sealadach a chur isteach sa bhliain.
- Cruthúnas d'íocaíocht tobhaigh a chur ar fáil.
- Ní mór an Fhoirm Iarratais a chomhlánú ina hiomláine.
- Tuarascáil deiridh agus ráiteas costais a chur isteach ar chríochnú na gníomhaíochtaí maoinithe ag an gCoimisiún.
- Ba cheart ceann amháin nó níos mó ná ceann amháin de phríomhthéamaí an Bheartais Foghlama agus Forbartha Earnála a fhianú agus a bheith mar bhonn agus thaca ag an iarratas.

Cad iad na gníomhaíochtaí atá incháilithe do mhaoiniú?

Is é is aidhm don Scéim tacaíocht le haghaidh gníomhaíochtaí oiliúna, forbartha agus / nó measúnaithe a chur ar fáil do chraoltóirí fuaimne a bhfuil ceadúnas sealadach acu suas go dtí €500 ar a mhéad. D'fhéadfadh conraitheoir iarratas a chur isteach ar mhaoiniú le haghaidh gníomhaíochtaí a bhfuil sé mar aidhm acu tacú le gníomhaíochtaí oiliúna reatha nó d'fhéadfaí an maoiniú a úsáid chun gníomhaíochtaí oiliúna, forbartha agus / nó measúnaithe reatha nó roimhe an stáisiúin a mheas.

Déantar roinnt gníomhaíochtaí oiliúna, forbartha agus / nó measúnaithe a d'fhéadfadh a bheith ann a shainaitheint thíos. Níl an liosta seo uileghabhálach.

- Ballraíocht de líonra bunaithe arna mhaoiniú ag an gCoimisiún (ar nós CRAOL, Learning Waves) chun rochtain ar chúrsaí agus ar cheardlanna oiliúna agus forbartha.
- Gníomhaíochtaí atá ceangailte le sainaitheint riachtanas lucht éisteachta.

- Anailís mhion ar riachtanais oiliúna a dhéanamh (e.g. suirbhéanna, taighde nó fócasghrúpaí).
- Forbairt agus / nó athbhreithniú a dhéanamh ar straitéis lena n-áirítear an fhorbairt ráitis mhisin nó físe eagraíochta.
- Forbairt agus / nó athbhreithniú a dhéanamh ar bheartais agus nósanna imeachta stáisiúin amhail beartais rialachais, beartais mhaoinithe, beartais oibrithe deonacha, comhlíonadh, riarachán agus próisis chinnteoireachta.
- Oiliúint agus forbairt bainisteoireachta, foirne agus oibrithe deonacha i scileanna ‘boga agus crua’ amhail neartú na foirne, leanúint de rannpháirtíocht oibrithe deonacha agus oiliúint theicniúil.
- Costas ar éascaitheoir / ar oiliúnóir nó ar thaighdeoir.

Cad é atá neamh-incháilithe?

Ní fhéadfar an maoiniú a úsáid le haghaidh na nithe seo a leanas:

- Caiteachas caipitiúil
- Aon ghníomhaíocht nach bhfuil rangaithe mar oiliúint, forbairt nó mheasúnú
- Costais Ghréasáin
- Caidreamh poiblí do stáisiún.

Conas iarratas a chur isteach?

1. Próiseas Iarratais

Iarrtar ar chraoltóirí fuaime a bhfuil ceadúnas sealadach acu iarratas a chur ar aghaidh trí úsáid a bhaint as **Foirm Iarratais na Scéime Tacaíochta um Sheirbhísí Sealadacha Raidió 2023**.

Tabhair na riachtanais seo a leanas den scéim do d’aire:

- Ba cheart d’iarratasóirí nua iarratas a chur isteach ar an Scéim seo agus a n-iarratas ar Cheadúnas Sealadach 2023 á chur isteach acu.
- Conraitheoirí a shealbhaíonn nó a shealbhaigh conradh sealadach craoltóireachta fuaime sa 12 mhí roimhe sin agus a d’íoc tobhach craolacháin an Choimisiúin.

- Ní mór gach cuid den Fhoirm Iarratais a chomhlánú.
- Sainaithe go soiléir cé a sholáthróidh an gníomhaíocht oiliúna, forbartha agus / nó measúnaithe seo.
- Is gá gur críochnaíodh obair oiliúna, forbartha agus / nó measúnaithe i 2023 nó go gcríochnófar í i 2024.
- Ní mór maoiniú leithdháilte a úsáid i gcomhair costas amháin faoi mar atá comhaontaithe ag an gCoimisiún ag an gcéim mhaoinithe. Soláthraítear treoir maidir le costais i bhFoirm Iarratais na Scéime.
- Ní mór iarratais shínte a chur isteach trí ríomhphost. Ní mór leaganacha leictreonacha a chur isteach i bhformáid Word nó pdf. Ní mór do dhuine údaráithe íomchuí an t-iarratas a shíniú.
- Ní mór aighneachtaí 2023 a chur isteach trí ríomhphost (i dteannta na foirme iarratais ar Cheadúnas) chuig secdev@cnam.ie. Do chonraitheoirí a shealbhaíonn nó a shealbhaigh conradh sealadach craoltóireachta fuaim sa 12 mhí roimhe sin, cuir an Scéim Tacaíochta um Sheirbhísí Sealadacha Raidió isteach trí ríomhphost chuig secdev@cnam.ie.

2. Critéir mheasúnaithe agus mhaoinithe

Déanfaidh Coimisiún na Meán iarratais a mheasúnú. Tabharfar fógra faoi chinntí d'iarratasóirí agus gheobhaidh siad cúiseanna leis an gcinneadh ón gCoimisiún. Déanfaidh an Coimisiún cinntí faoi mhaoiniú do gach iarratas bunaithe ar na critéir mar atá leagtha amach thíos.

1. Beartas um Fhoghlaim agus Fhorbairt Earnála

- Ar thug an togra faoi cheann amháin nó níos mó ná ceann amháin de na téamaí i mBeartas an BAI um Fhoghlaim agus Fhorbairt Earnála go leordhóthanach?
- Conas atá an téama (na téamaí seo) tábhachtach nó bainteach leis an gcaoltóir fuaim a bhfuil ceadúnas sealadach aige/aici?

2. Caighdeán agus Soiléireacht an Iarratais

- Cibé acu a sholáthraítear cuntas soiléir agus achomair ar chuspóir na gníomhaíochta oiliúna, forbartha agus / nó measúnaithe,
- Cur chuige a ghlacfar,
- Cibé acu a sholáthraítear miondealú mionsonraithe ar chostais (gan CBL a áireamh) agus cibé acu atá siad réasúnta,
- Cibé acu is íomchuí atá an duine atá freagrach as an ngníomhaíocht oiliúna, forbartha agus / nó measúnaithe.

3. Tionchar ar an Stáisiún agus an Tairbhe a Bhainfidh sé as

- Measúnú ar cibé acu a chuirfidh an oiliúint, an fhorbairt agus / nó an measúnú le difríocht a dhéanamh don stáisiún nó don lucht éisteacha.
- Cibé acu a baineadh na cuspóirí amach agus a leagtar réalachas na gcuspóirí sin amach.

4. Luach ar Airgead

- An dtaispeánann an t-iarratasóir úsáid mhaith acmhainní?

5. Rannchuidiú an Stáisiúin

- Ar soláthraíodh fianaise shoiléir ar conas a éascóidh agus a shealbhóidh an stáisiún na gníomhaíochtaí oiliúna agus / nó measúnaithe agus conas a chuirfidh sé leo?

6. Amscáláí

- Tiomnú d'amlínte réadúla laistigh de spriocdhátaí na Scéime.

3. Sceideal Maoinithe

Tabharfar fógra faoi chinneadh an Choimisiúin d'iarratasóirí rathúla a luaithe is féidir.

Is mar seo a leanas atá an eisíocaíocht agus an leithdháileadh maoinithe:

- Deontas 100% eisíochta ar fháil a dhéanamh ar ráiteas costais, thuarascáil deiridh, admháil agus shonrasc de réir mar is cuí (ó oiliúnoir / éascaitheoir / thaighdeoir).

AN TUARASCÁIL DEIRIDH

Tá an Tuarascáil Deiridh ina gné thábhachtach den **Scéim Tacaíochta um Sheirbhísí Sealadacha Raidió 2023**. Tá sé mar chuspóir ag an Tuarascáil Deiridh cur síos a dhéanamh ar an oiliúint, ar an bhforbairt agus / nó ar an measúnú a cuireadh ar siúl. Ba cheart di a bheith bainteach le tograí faofa an Choimisiúin atá leagtha amach san Fhoirm Iarratais agus ba cheart di éirim ghinearálta a thabhairt ar an ngníomhaíocht oiliúna, forbartha agus / nó measúnaithe ar fad agus ar a tionchar ar an stáisiún agus ar an lucht éisteachta. Ba cheart di a thaispeáint conas a bhí Beartas an BAI um Fhoghlaim agus Fhorbairt Earnála mar bhonn agus thaca ag an ngníomhaíocht.

Ar a laghad, ba cheart di an fhaisnéis seo a leanas a chur ar fáil:

- Cad a bheartaigh an craoltóir fuaimse sealadach a bhaint amach agus cén fáth?
- Cé a bhí bainteach leis an oiliúint?
- Cé na gníomhaíochtaí a cuireadh ar siúl? Soláthair sonraí faoi na gníomhaíochtaí oiliúna agus / nó measúnaithe chomh maith le sonraí faoi ghníomhaíochtaí fógraíochta agus tacaíochta,
- An méid ar a raibh Beartas an BAI um Fhoghlaim agus Fhorbairt Earnála mar bhonn agus thaca ag an ngníomhaíocht,
- An méid ar ar baineadh na cuspóirí go léir amach,
- Cén tionchar a bhí ag an bpróiseas oiliúna, forbartha agus / nó measúnaithe ar an stáisiún agus conas a úsáidfear é sa todhchaí?
- Cén fhoghlaim a doiciméadaíodh le haghaidh gníomhaíochtaí sa todhchaí?

Ní mór sonraí cruinne faoi na costais go léir a tabhaíodh agus faoin dóigh ar eisíocadh an maoiniú a bheith sa Tuarascáil Deiridh freisin. Cuirtear í seo isteach sa ráiteas iniúchta / costais i dteannta cóipe den sonrasc agus aon admhálacha iomchuí. Ba cheart do dhuine údaraithe iomchuí í seo a shíniú.

Cuimhnigh:

- Nach mór Foirm Tuarascála Deiridh a chur faoi bhráid an Choimisiúin faoin spriocdháta sonraithe,
- Gur coinníoll maoinithe é cáipéisíocht deiridh ar an tionscadal a chur isteach,
- Mura gcuireann tú do Thuarascáil Deiridh isteach faoi spriocdháta na Scéime, tá tú i mbaol d'íocaíocht a chailleadh.

Tá foireann um Fhoghlaim agus Fhorbairt Earnála an Choimisiúin ar fáil chun ceisteanna ar bith faoin Scéim a fhreagairt (01-6441200). Déan teagmháil le Fionnuala Murphy ar (01) 6441200 nó ar secdev@cnam.ie má tá aon cheisteanna agat.

Leideanna agus Noda

- Bí eolach ar Bheartas an BAI um Fhoghlaim agus Fhorbairt Earnála - roghnaigh téamaí a bheidh mar bhonn agus thaca ag do thionscadal,
- Bí soiléir faoin méid ba mhaith leis an stáisiún a bhaint amach,
- Ba cheart cur síos scríofa soiléir agus achomair a leagan amach san iarratas - is fearr níos lú ná níos mó,
- Tabhair breac-chuntas ar mhiondealú mionchuntais ar gach ceann de na tascanna agus de na costais ghaolmhara,
- Iarr cúnamh má tá sé de dhíth.